

OHR započeo diskusiju o restruktuiranju Vijeća Ministara

Viši zamjenik Visokog predstavnika Ambasador Hanns Schumacher susreo se jučer sa dr. Harisom Silajdžićem, Kopredsjedavajućim Vijeća ministara, i predstavnicima Alternativnog ministarskog vijeća kako bi započeo razgovore o načinima restruktuiranja Vijeća ministara nakon izbora.

“Usredotočili smo se na predsjedavanje, broj ministarstava, državni budžet i saradnju sa entitetima”, konstatirao je Ambasador Schumacher. “Ured Visokog predstavnika će nastaviti da vrši konsultacije sa članovima Vijeća ministara, Alternativnim ministarskim vijećem i drugima u cilju da se ojača uloga Vijeća kao najznačajnijeg tijela za donošenje odluka u okviru mreže zajedničkih institucija. Mnoge od zamisli do kojih je došlo Alternativno ministarsko vijeće odražavaju naše vlastite bojazni. I mi i oni nastojimo povećati efikasnost i stručnost Vijeća – ovo se nikako ne bi trebalo tumačiti kao pokušaj da se oslabe nadležnosti entiteta, koje će svakako ostati netaknute.”

Ambasador Schumacher će se sastati sa ostalim predstavnicima Vijeća ministara ove sedmice kako bi zatražio njihova gledišta o tome kako da se poboljša rad Vijeća. Ured Visokog predstavnika će prezentirati svoje preporuke Predsjedavajućima Vijeća ministara nakon izbora a do kraja septembra.

“Odgovornost Vijeća ministara će biti da izradi neophodne amandmane na Zakon o Vijeću ministara i da ih podnese Parlamentu na usvajanje”, dodao je Ambasador Schumacher.